

廣
註
四
部
精
華

集部
第十二冊

四部精華目錄 第十一冊

白香山集精華

新樂府

并序

一

胡旋女(戒近習也)

一

折臂翁(戒邊功也)

一

太行路(借夫婦以諷君臣之不終也)

一

縛戎人(達窮民之情也)

一

西涼伎(刺封疆之臣也)

二

母別子(刺新聞舊也)

二

長恨歌

三

寒食野望吟

三

琵琶行

并序

四

花非花

四

舒員外遊香山寺數日不歸兼辱尺書

大誇勝事時正值坐衙慮因之際走

筆題長句以贈之

四

秋日與張賓客舒著作同遊龍門醉中

作歌凡二百三十八字

五

雪中晏起偶詠所懷兼呈張常侍韋庶

子皇甫郎中

五

詔下

五

池上作

五

達哉樂天行

五

蘇子瞻東坡詩集精華

七古

和子由踏青

一

石鼓歌

一

石蒼舒醉墨堂

一

歐陽少師令賦所蓄石屏

一

泗州僧伽塔

二

臘日遊孤山訪惠勤惠思二僧

二

自普照遊二菴

薄薄酒二首

并序

送李公恕赴闕

芙蓉城

李思訓畫長江絕島圖

登雲龍山

寓居惠院之東雜花滿山有海棠一株

人不知貴也

寄吳德仁兼簡陳季常

武昌西山

并序

慶源宣義王丈以累舉得官為洪雅主

簿雅州戶掾遇吏民如家人人安樂

之既謝事居眉之青神瑞草橋放懷

自得有書來求紅帶既以遺之且作

詩為戲請黃魯直秦少游為各賦一

首為老人光華

書王定國所藏烟江疊嶂圖

在潁州與德麟同治西湖未成改揚州三

月十六日湖成德麟有詩見懷次其韻

荔支歎

同正輔表兄遊白水山

次韻正輔同遊白水山

吾謫海南子由雷州被命即行了不相

知至梧迺聞尚在藤也旦夕當追及

作此詩示之

七律

七月二十四日久不雨出禱礮溪是日

宿龍縣二十五日晚自龍縣渡渭宿於

僧舍曾閣閣故曾氏所建也夜久不寐

見壁有前縣令趙薦留名有懷其人

有美堂暴雨

次韻述古過周長官夜飲

除夜野宿常州城外二首

七

刁同年草堂

七

惠山謁錢道人烹小龙團登絕頂望太湖

湖

七

次韻陳海州乘槎亭

六

正月廿日往岐亭郡人潘古郭三人送余

於女王城東禪莊院

七

和仲伯達

七

杜介送魚

七

送杜介歸揚州

八

次韻秦仲章和錢蒙仲

八

壽星院寒碧軒

八

壺中九華詩

并序

八

秋晚客興

八

西蜀楊耆二十年前見之甚貧今見之亦

貧所異於昔者蒼顏華髮耳女無美惡

富者妍士無賢不肖貧者鄙使其逢時

遇合豈減當時之士哉頃宿長安驛舍

聞泣者甚怨問之乃昔富而今貧者乃

作一詩今以贈楊君

八

秋興三首

八

七絕

陳季常所蓄朱陳村嫁娶圖二首

九

海棠

九

題西林壁

九

金山夢中作

九

春日

九

歸宜興留題竹西寺三首

九

書李世南所書秋景二首

九

溪陰堂

九

吉祥寺賞牡丹

九

六月二十七日望湖樓醉書五首

十

冬至日獨游吉祥寺

十

飲湖上初晴後雨二首

十

陌上花三首

十

單同年求德興俞氏聚遠樓詩三首

十

和文與可洋川園池三十首

錄四首

十

陸放翁劍南詩稿精華

七絕

七月十四夜觀月

一

劍門道中遇微雨

一

花時適遊諸家園十首

錄四首

一

夜寒二首

一

江上散步尋梅偶得三絕句

一

小園四首

一

湖村月夕四首

一

無題

二

鄉人或病予詩多道蜀中遊樂之盛適春

日遊鏡湖共請賦山陰風物遂即杯酒間作四絕句卻當持以誇西州故人也

估客有自蔡州來者感悵彌日

排悶

讀史

初夏

舍北晚眺

小舟遊近村捨舟步歸

一壺歌

梅花

沈園

冬晴與子坦子聿遊湖上

枕上

小舟白竹蓬蓋保長所乘也偶借至近村

戲作

夏日雜題

梅花絕句

四

夏初湖村雜題

四

雨後

四

感昔

四

自詠絕句

五

秋興

五

出游歸卧得雜詩

五

煙波即事

五

新春感事八首

錄二首

六

秋思

六

溪上小雨

六

示兒

六

七律

自朝

六

梅市

六

秋思

六

風雨夜坐

六

舟中作

七

暑夜泛舟

七

晚興

七

病少愈偶作

七

山寺

七

夜登白帝城懷少陵先生

七

歸次漢中境上

七

綿州魏城縣驛有羅江東詩云芳草有

情皆礙馬好雲無處不遮樓戲用其

韻

七

獨遊城西諸僧舍

八

東湖新竹

八

野步至青羊宮偶懷前年嘗劇飲於此

八

絕勝亭

八

將至京口

八

新築山亭戲作

遊山歸偶賦

夜步

偶讀山谷老境五十六翁之句作六十二

翁吟

臨安春雨初霽

題齊壁

病起小飲

記九月三十日夜半夢

憶昔

六月二十四日夜分夢范致能李知幾

尤延之同集江亭諸公請予賦詩記

江湖之樂詩成而覺忘數字而已

白香山集精華

新樂府 并序

序曰。凡九十二百五十二言。斷為五十篇。篇無定句。句無定字。繫於意。不繫於文。首句標其目。卒句顯其志。詩三百之意也。其辭質而徑。欲見之者易諭也。其言直而切。欲聞之者深識也。其事覈而實。使采之者傳信也。一作有微也其體順而律。可以播於樂章歌曲也。總而言之。為君為臣。為民為物。為事而作。不為文而作也。

胡旋女 戒近習也

胡旋女。胡旋女。心應絃。手應鼓。絃歌一聲雙袖舉。迴雪飄颻轉蓬舞。左旋右轉不知疲。千匝萬周無已時。人間物類無可比。奔車輪緩旋風遲。曲終再拜謝天子。天子為之微啓齒。胡旋女。出康居。徒勞東來萬里餘。中原自有胡旋者。聞妙爭能爾不如。天寶季年時。欲變臣妾人人學。圓轉中有太真外祿山。二人最道能胡旋。梨花園中冊作妃。金鷄障下養為兒。祿山胡旋迷君眼。兵過黃河疑未反。貴妃胡旋感君心。死棄馬嵬念更深。從茲地軸天維轉。五十年來制不禁。胡旋女。莫空舞。數唱此歌悟明主。

註

①康居 古國名。今新疆北境。

②太真 唐楊貴妃為女。官時號太真。

③祿山 即唐安祿山。玄宗時為節度使。厚結

貴妃楊氏。天寶末。舉兵反。

折臂 一作新翁 戒邊功也

新豐老翁八十八頭鬢眉鬚皆似雪。玄孫扶向店前行。左臂憑肩右臂折。問翁臂折來幾年。兼問致折何因緣。翁云貫屬新豐縣。生逢聖代無征戰。慣聽黎園散管聲。不識旂槍與弓箭。無何天寶大徵兵。戶有三丁點一丁。點得驅將何處去。五月萬里雲南行。聞道雲南有瀘水。椒花落時瘴烟起。大軍徒涉水如湯。未過十人二三死。村南村北哭聲哀。兒別耶娘夫別妻。皆云前後征蠻者。千萬人行無一回。是時翁年二十四。兵部牒中有名字。夜深不敢使人知。偷將大石撻折臂。張弓蔽箭俱不堪。從茲使免征雲南。骨碎筋傷非不苦。且圖揀退歸鄉土。此臂折來六十年。一肢雖廢一身全。至今風雨陰寒夜。直到天明痛不眠。痛不眠終不悔。且喜老身今獨在。不然當時瀘水頭。身死魂孤骨不收。應作雲南望鄉鬼。萬人冢上哭啾啾。老人言君聽取。君不聞開元宰相宋開府。不賞邊功防黠武。又不聞天寶宰相楊國忠。徵求恩幸立邊功。邊功未立生民怨。請問新豐折臂翁。

註

①新豐

縣名。在今陝西臨潼縣。

②雲南二句

雲南有萬人冢。即鮮于仲通李密曾獲軍之所。今家猶存。

③開元句

開元初。

紀逢。時天武軍牙將都雲雲出使。因引特勤回鶻部落新突厥。然服獻首於閣下。自謂有不世之功。時宋璟為相。以天子年少好武。恐激功者生心。痛抑其黨。適年始受節將。雲雲遂痛哭。誓與而死。

④楊國忠句

天寶末。楊國忠為相。重搆閑羅鳳之役。募人討之。前後發二十餘萬兵去。無返者。陳山遠監天下。

太行路

借夫婦以諷君臣之不終也

太行之路能摧車。若比君心是坦途。巫峽之水能覆舟。若比君心是安流。君心好惡苦不常。好生毛羽惡生瘡。與君結髮未五載。豈期牛女為參商。古稱色衰相棄背。當時美人猶怨悔。何況

如今鸞鏡中。妾顏未改君心改。為君重衣裳。君聞蘭麝不馨香。為君盛容飾。君看珠翠無顏色。行路難。難重陳。人生莫作婦人身。百年苦樂由他人。行路難。難於山。險於水。不獨人家夫與妻。近代君臣亦如此。君不見左納言。右納史。朝承恩。暮賜死。行路難。不在水。不在山。只在人情反覆間。

註

① 巫峽

三峽之一。在湖北巴水縣西。與四川巫山縣接界。

② 參商

二星名。不相逢。

縛戎人 達窮民之情也

縛戎人。縛戎人。耳穿面破驅入秦。天子矜憐不忍殺。詔徙東南與越吳。黃衣小使錄姓名。領出長安乘遞行。身被金瘡面多瘡。扶病徒行日一驛。朝餐飢渴費杯盤。夜卧腥臊污牀席。忽逢江水憶交河。垂手齊聲嗚咽歌。其中一虜語諸虜。爾苦非多我苦多。同伴行人因借問。欲說喉中氣憤憤。自云鄉管本涼原。大曆年中沒落蕃。一落蕃中四十載。身著皮裘繫毛帶。唯許正朝服。漢儀敝衣整中潛淚垂。誓心密定歸鄉計。不使蕃中妻子知。暗思幸有殘筋骨。更恐年衰歸不得。蕃侯嚴兵鳥不飛。脫身冒死奔逃歸。晝伏夜行經大漠。雲陰月黑風沙惡。驚藏青冢寒草疏。偷渡黃河夜水薄。忽聞漢軍鼙鼓聲。路旁走出再拜迎。游騎不聽能漢語。將軍遂縛作蕃生。配向江南卑溼地。定無存卹空防備。念此吞聲仰訴天。若為辛苦度殘年。涼原鄉井不得見。胡地妻兒虛棄捐。沒蕃被囚思漢土。歸漢被劫為蕃虜。早知如此悔歸來。兩地甯如一處苦。縛戎人。戎人之中我苦辛。自古比冤應未有。漢心漢語吐蕃身。

〔註〕

①涼原

府名。宋置。今廢。今武成縣其舊治也。

②唯許四句

有李如道者。蓮子將軍之子也。嘗沒番中。自云番法惟正歲一日。許唐人

之沒番者。服唐衣冠。由是悲不自勝。遂密定歸計。

西涼伎

刺封疆之臣也

西涼伎。假面胡人假獅子。刻木為頭絲作尾。金鍍眼睛銀貼齒。奮迅毛衣擺雙耳。如從流沙來。萬里紫髯深目兩胡兒。鼓舞跳梁前致辭。應似涼州未陷日。安西都護進來時。須臾云得新消息。安西路絕歸不得。泣向獅子涕雙垂。涼州陷沒知不知。獅子回頭向西望。哀吼一聲觀者悲。貞元遂將愛比曲。醉坐笑看看不足。享賓犒士宴監軍。獅子胡兒長在目。有一征夫年七十。見弄涼州低面泣。泣罷斂手白將軍。主憂臣辱皆所聞。自從天寶兵戈起。犬戎日夜吞西鄙。涼州陷來四十年。河隴侵將七千里。平時安西萬里疆。今日邊防在鳳翔。緣邊空屯十萬卒。飽食溫衣閒過日。遺民腸斷在涼州。將卒相看無意收。天子每思常痛惜。將軍欲說合慚羞。奈何仍看西涼伎。取笑資觀無所愧。縱無智力未能收。忍取西涼弄為戲。

〔註〕

①涼州

地名。今甘肅省。②西安府名。今陝西長安縣其舊治也。

母別子

刺新間舊也

母別子。子別母。白日無光哭聲苦。關西驃騎大將軍。去年破虜新策勳。勅賜金錢二百萬。洛陽迎得如花人。新人迎來舊人棄。掌上蓮花眼中刺。迎新棄舊未足悲。悲在君家留兩兒。一始扶行一初坐。坐號行哭牽人衣。以汝夫婦新燕婉。使我母子生別離。不如林中鳥與鵲。母不失鵲。

雄伴雌。應似園中桃李樹。花落隨風子住枝。新人新人聽我語。洛陽無限紅樓女。但願將軍重立功。更有新人勝於汝。

〔註〕

①紅樓富貴家婦人所居之樓也。

長恨歌

漢皇重色思傾國。御宇多年求不得。楊家有女初長成。養在深閨人未識。天生麗質難自棄。一朝選在君王側。迴眸一笑百媚生。六宮粉黛無顏色。春寒賜浴華清池。溫泉水滑洗凝脂。侍兒扶起嬌無力。始是新承恩澤時。雲鬢花顏金步搖。芙蓉帳暖度春宵。春宵苦短日高起。從此君王不早朝。承歡侍宴無閒暇。春從春遊夜專夜。後宮佳麗三千人。三千寵愛在一身。金屋妝成嬌侍夜。玉樓宴罷醉和春。姊妹兄弟皆列土。可憐光彩生門戶。遂令天下父母心。不重生男重生女。驪宮高處入青雲。仙樂風飄處處聞。緩歌慢舞凝絲竹。盡日君王看不足。漁陽鞞鼓動地來。驚破霓裳羽衣曲。九重城闕煙塵生。千乘萬騎西南行。翠華搖搖行復止。西出都門百餘里。六軍不發無奈何。宛轉蛾眉馬前死。花鈿委地無人收。翠翹金雀玉搔頭。君王掩面救不得。回看血淚相和流。黃埃散漫風蕭索。雲橫紫紆登劍閣。峨嵋山下少人行。旌旗無光日色薄。蜀江水碧蜀山青。聖主朝朝暮暮情。行宮見月傷心色。夜雨聞鈴腸斷聲。天旋日轉迴龍馭。到此躊躇不能去。馬嵬坡下泥土中。不見玉顏空死處。君臣相顧盡沾衣。東望都門信馬歸。歸來池苑皆依舊。太液芙蓉未央柳。芙蓉如面柳如眉。對此如何不淚垂。春風桃李花開日。秋雨梧桐葉

落時。西宮南內多秋草。落葉滿階紅不掃。梨園弟子白髮新。椒房阿監青娥老。夕殿螢飛思悄
然。孤燈挑盡未成眠。遲遲鐘鼓初長夜。耿耿星河欲曙天。鴛鴦瓦冷霜華重。翡翠衾寒誰與共。
悠悠生死別經年。魂魄不曾來入夢。臨邛道士鴻都客。能以精誠致魂魄。為感君王展轉思。遂
教方士殷勤覓。排雲馭氣奔如電。升天入地求之遍。上窮碧落下黃泉。兩處茫茫皆不見。忽聞
海上有仙山。山在虛無縹緲間。樓閣玲瓏五雲起。其中綽約多仙子。中有一人字太真。雪膚花
貌參差是。金闕西應叩玉扃。轉教小玉報雙成。聞道漢家天子使。九華帳裏夢魂驚。攬衣推枕
起徘徊。珠箔銀屏遙遞開。雲鬟半偏新睡覺。花冠不整下堂來。風吹仙袂飄飄舉。猶似霓裳羽
衣舞。玉容寂寞淚闌干。梨花一枝春帶雨。含情凝睇謝君王。一別音容兩渺茫。昭陽殿裏恩愛
絕。蓬萊宮中日月長。回頭下望人寰處。不見長安見塵霧。惟將舊物表深情。鈿合金釵寄將去。
釵留一股合一扇。釵擘黃金合分鈿。但教心似金鈿堅。天上人間會相見。臨別殷勤重寄詞。詞
中有誓兩心知。七月七日長生殿。夜半無人私語時。在天願作比翼鳥。在地願為連理枝。天長
地久有時盡。此恨綿綿無絕期。

〔註〕

①華清池

在陝西臨潼縣南驪山上。上有

②梨園弟子

唐明皇選樂部伎子弟三百

名覺而正之。號皇帝梨園弟子。宮女數百。并為梨園弟子。居宜春北苑。見《唐書》。時樂部分二。出者為坐部伎。立者為立部伎。

寒食野望吟

邱墟郭門外。寒食誰家哭。風吹曠野紙錢飛。古墓蒼蒼春草綠。棠梨花映白楊樹。盡是死生離

別處冥漠重泉哭不聞蕭蕭暮雨人歸去

〔註〕

①寒食

冬節一百五日謂之寒食節。禁火三日。

琵琶行

并序

元和十年。予左遷九江郡司馬。明年秋。送客湓浦口。聞舟中夜彈琵琶者。聽其音。錚錚然有京都聲。問其人。本長安倡女。嘗學琵琶於穆曹二善才。年長色衰。委身為賈人婦。遂命酒。使快彈數曲。曲罷憫然。自敘少小時歡樂事。今漂淪憔悴。轉徙於江湖間。予出官二年。恬然自安。感斯人言。是夕始覺有遷謫意。因為長句歌以贈之。凡六百一十二言。命曰琵琶行。

潯陽江頭夜送客。楓葉荻花秋瑟瑟。主人下馬客在船。舉杯欲飲無管絃。醉不成歡慘將別。別時茫茫江浸月。忽聞水上琵琶聲。主人忘歸客不發。尋聲暗問彈者誰。琵琶聲停欲語遲。移船相近邀相見。添酒回燈重開宴。千呼萬喚始出來。猶抱琵琶半遮面。轉軸發絃三兩聲。未成曲調先有情。絃絃掩抑聲聲思。似訴平生不得志。低眉信手續續彈。說盡心中無限事。輕攏慢撚抹復挑。初為霓裳後六么。大絃嘈嘈如急雨。小絃切切如私語。嘈嘈切切錯雜彈。大珠小珠落玉盤。間關鶯語花底滑。幽咽泉流水下灘。水泉冷澁絃疑絕。疑絕不通聲。暫歇。別有幽情暗恨生。此時無聲勝有聲。銀瓶乍破水漿迸。鐵騎突出刀鎗鳴。曲終收撥當心畫。四絃一聲如裂帛。東船西舫悄無言。唯見江心秋月白。沈吟放撥揮絃中。整頓衣裳起敘客。自言本是京城女。家

在蝦蟆陵下住。十三學得琵琶成。名屬教坊第一部。曲罷曾教善才伏。妝成每被秋娘妬。五陵年少爭纏頭。一曲紅綃不知數。鈿頭銀篦擊節碎。血色羅裙翻酒污。今年歡笑復明年。秋月春風等閒度。弟走從軍阿娘死。暮去朝來顏色故。門前冷落鞍馬稀。老大嫁作商人婦。商人重利輕別離。前月浮梁買茶去。去來江口守空船。遠上明月江。水寒。夜深忽夢少年事。夢啼妝淚紅闌干。我聞琵琶已歎息。又聞此語重唧唧。同是天涯淪落人。相逢何必曾相識。我從去年辭帝京。謫居卧病潯陽城。潯陽地僻無音樂。終歲不聞絲竹聲。住近湓江地低溼。黃蘆苦竹遶宅生。其間旦暮聞何物。杜鵑啼血猿哀鳴。春江花朝秋月夜。往往取酒還獨傾。豈無山歌與村笛。嘔啞嘲啗難為聽。今夜聞君琵琶語。如聽仙樂耳暫明。莫辭更坐彈一曲。為君翻作琵琶行。感我此言良久立。卻坐促絃絃轉急。淒淒不似向前聲。滿座重聞皆掩泣。座中泣下誰最多。江州司馬青衫溼。

〔註〕

①潯陽

江名。在江西九江縣北。

②霓裳六么

均曲名。

③五陵

漢書：郡國諸豪及長安五陵諸名氣節者皆歸屬之。

④江州

司馬

吟者自指也。時樂天左遷九江郎司馬。

花非花

花非花。霧非霧。夜半來。天明去。來如春夢幾多時。去似朝雲無覓處。

舒員外遊香山寺數日不歸。兼辱人書大誇勝事。時正值坐衙。慮因之際。走筆題長句。

以贈之。

香山石樓倚天開。翠屏壁立波環迴。黃菊繁時好客到。碧雲合處佳人來。酡顏一笑大桃綻。清吟數聲寒玉哀。軒騎逶迤權客興。留連三日不能迴。白頭老尹府中坐。早衙纔退暮衙催。庭前階上何所有。纍因成貫案成堆。豈無池塘長秋草。亦有綠竹生塵埃。今日清光昨夜月。竟無人來勸一杯。

〔註〕

①香山

縣名。今屬廣東。東粵海道。

秋日與張賓客舒著作同遊龍門醉中狂歌凡二百三十八字

秋天高高秋光清。秋風颯颯秋蟲鳴。嵩峰餘霞錦綺卷。伊水細浪鱗甲生。洛陽閒客知無數。少出遊山多在城。商嶺老人自追逐。蓬邱逸士相逢迎。南山鼎門十八里。莊店遞連橋道平。不寒不熱好時節。鞍馬穩快衣衫輕。竝轡踟躕下西岸。扣舷容與繞中汀。開懷曠達無所繫。觸目勝絕不可名。荷衰欲黃荇猶綠。魚樂自躍鷗不驚。翠藻萋萋長孔雀。尾彩船檣急寒雁聲。家醪一壺白玉液。野花數把黃金英。晝遊四看西日暮。夜話三及東方明。暫停杯觴輟吟詠。我有狂言君試聽。大夫一生有二志。兼濟獨善難得并。不能救療生民病。即須先濯塵土纓。況吾白頭眼已暗。終日戚促何所成。不如展眉開口笑。龍門醉卧香山行。

〔註〕

①娑娑

音烏。

風動貌。楚辭。娑娑兮秋風。

②踟躕

猶徘徊也。詩。踟躕兮。

雪中晏起偶詠所懷兼呈張常侍韋庶子皇甫郎中

窮陰蒼蒼雪雰雰。雪深沒脛泥埋輪。東家典錢歸礙夜。南家貰米出凌晨。我獨何者無此藝。複

帳重衾暖若春。怕寒放懶不肯動。日高睡足方頻伸。餅中有酒殮有炭。甕中有飯庖有薪。奴溫婢飽身晏起。致茲快活良有因。上無皋陶益。廊廟才的不能匡。君輔國活生民。下無巢父許由箕顓操。又不能食薇飲水自苦辛。君不見南山悠悠多白雲。又不見西京浩浩唯紅塵。紅塵鬧熱白雲冷。好於冷熱中間安置身。三年徵倖忝洛尹。兩任優穩為商賓。非賢非愚非智慧。不富不貴不賤貧。冉冉老去過六十。騰騰閒來經七春。不知張韋與皇甫。私喚我作何如人。

註

①皋陶

虞舜時為獄官之長

②巢父許由

皆唐尧時之高士

詔下

昨日詔下去罪人。今日詔下得賢臣。進退者誰非我事。世間寵辱常紛紛。我心與世兩相忘。時事雖聞如不聞。但喜今年飽飯喫。洛陽禾稼如秋雲。更傾一尊歌一曲。不獨忘世兼忘身。

池上作

西溪風生竹森森。南潭萍開水沈沈。叢翠萬竿湘岸色。空碧一泊松江心。浦派縈迴誤遠近。橋島向背迷登臨。澄瀾方丈若萬頃。倒影咫尺如千尋。泛然獨遊邈然坐。坐念行心思古今。菟裘不聞有泉沼。西河亦恐無雲林。豈如白翁退老地。樹高竹密池塘深。華亭雙鶴白鷗嬌。太湖四石青岑岑。眼前盡日更無客。邨上此時惟有琴。洛陽冠蓋自相索。誰肯來此同抽簪。

註

①森森

樹水興

②太湖石

今人園林中所疊假山。其石以多孔及

堆紋為貴。採自太湖。謂之太湖石。

達哉樂天行